

摛藻堂四庫全書薈要

史部

欽定四庫全書叢書要

史部

硃批諭旨卷二百十一上

詳校官編修臣繆晉

欽定四庫全書  
薈要卷八千一百九十

史部

硃批諭旨卷二百十一上

硃批程元章奏摺

福建學政臣程元章謹

為恭謝

天恩事竊臣中州菲材備員史館蒙

皇上特簡臣提督福建學政跪聆

聖訓時切悚惶乃到任甫及年餘即蒙

特恩超陞臣翰林院侍講旋陞侍讀旬月之間疊膺

寵擢聞

命自天感激無地夙夜捫心惟懼素餐又蒙

特恩賞給臣每年養廉銀三千兩臣何人斯屢受格外

隆施是臣一飲一食俱荷

皇上生成之恩撫躬省慮感愧交并惟有竭盡犬馬心

力以圖仰報

高厚於萬一耳為此繕摺

奏謝

天恩謹

奏

覽奏知道了訓飭士子毋辭任怨切戒徇私廢公善柔  
沽譽勉之

福建學政臣程元章謹

奏為遵

旨保舉事竊臣兩次跪讀

上諭令內外臣工各舉所知仰見我

皇上以至誠信任臣子而欲其所舉皆實務使野無留良此曠古未有之

盛典臣敢不警惕慎重細思臣之鄉里戚族中有為人

謹愿而才實不足有為者有文學可觀而不敢信

其有守者惟有臣親堂弟廩生程慶章年四十歲

居家孝友端方操守堅定臣所素知隨臣在閩看

文兩年晝夜苦心幫臣別除內外積弊其才尚可

任事近因臣祖年老於四月間回家省視且苦志

讀書欲赴明年鄉試伏乞

聖恩許臣於三年考試事竣復

命之日帶領叩見

天顏可否堪任仰候

聖鑒為此謹

奏

已有旨諭部矣

奏為凜遵

聖諭叩謝

天恩繕摺恭繳事竊臣於按考福寧州科試畢回省督  
臣高其倬差官齎捧

皇上御批臣謝

恩奏摺到臣隨恭設香案跪接叩頭捧至靜室跪讀字  
字銘刻於心不敢怠忽於九月出巡按考興泉漳

等府科試於十二月初抵漳州處處嚴訓不少寬

貸敬奉

聖諭以行臣查泉州等府士風之澆無過好鬭好訟抗

羣三件須力懲此三者以挽頽風臣歲試放告所

收投告生監詞狀至數百張所准批發府縣官審

實應責應革俱按法懲治科試所收詞狀不過數

十張地方及教官云伊知學臣不為偏護近稍歛  
能如此實心任事秉公執法雖極刁頑習俗未有不惑  
戢臣因是知人情未有不畏禮守法實由向來縱

化改革之理然亦不可過嚴斟酌適中為之容習慣者久耳以臣庸才常愧不能砥礪士風有負職守惟有益加奮勉母敢徇私母敢沾譽竭盡犬馬心力以仰報

聖恩高厚於萬一耳所有奉到

硃批奏摺理合恭繳謹

奏

立志甚好竭力勉為之朕又簡命觀風整俗使來閩協助汝等化導士庶果能挽回積惡俾風移俗易汝等造

福於地方寧有涯量耶

福建學政臣程元章謹

奏為凜遵

聖諭恭謝

天恩繕摺奏繳事竊臣於本年四月在建寧府科考督

臣高其倬差人齎捧

皇上御批臣奏摺到臣隨恭設香案叩頭跪接捧至靜

室跪讀仰見我

皇上用中建極事事以公正持平之道開迪臣子洵非

臣庸淺之識所能見及萬一臣字字銘刻於心愈

加小心敬慎斟酌辦理斷不敢以深受

恩寵而遂稍有任情率意之舉也臣身膺提學必使風

俗醇厚士習端方乃為盡職拔取文章特其一端

耳茲蒙

皇上欽差觀風整俗使來閩處處宣揚

聖諭是

皇仁普被既蠲賦截漕以資其贍養又匡直輔翼以發  
其天良從此士習民風未有不歸涵濡甄陶而蒸

蒸向化者臣於十月後差滿候新舊交代尚需半

年現在司理學政一日務竭一日之心不敢以觀

風整俗使到而作局外旁觀推諉辭勞有負我

皇上高厚隆恩也所有領到

硃批訓旨理合恭繳謹

奏

朕今命爾署理浙江藩司事務當竭力洗滌向來科甲  
習氣將一切因循黨庇營私而不急公求名而不務實  
等疵屏除淨盡一意效法李衛之居心行事可也汝到  
浙與李衛共事後方知迥非高其倬督撫輩心行之可  
比者勉之

福建學政臣程元章謹

奏為恭謝

天恩敬陳愚悃事竊臣保舉親堂弟程慶章因其人尚

可策勵奮勉是以奏請於臣復

命之日帶領叩見

天顏乃即蒙我

皇上有旨諭部臣與臣弟何人竟承

天語煌煌榮及蓬草雖其可否堪任尚俟

聖鑒而臣聞

命之下感激悚惶愈深驚懼臣謹望

闕叩頭恭謝

天恩至臣冬月差滿之日理應星馳復

命但念臣祖年九十歲臣父年六十四歲前蒙  
特恩寬假由河南省親後赴任今再叩懇

天恩賞假俾臣祖孫父子相聚數日則臣祖與臣父均

戴

皇仁於生生世世矣謹

奏

汝抵浙後看地方事體光景與李衛商酌再行具奏請

假汝祖雖年逾耄耋至若身猶強健迎至任所朝夕團聚  
不亦美乎

署理浙江布政使臣程元章謹

奏為恭謝

天恩事竊臣中州庸才蒙

皇上特恩著臣提督福建學政三年之間涓埃未報乃

蒙

皇恩疊沛以編修超陞至詹事府少詹事

寵榮逾分倣惕靡寧茲又蒙

特恩命臣署理浙藩印務聞

命之下愈加倣惕臣思布政使乃一省總匯衙門政務

殷繁錢糧重大而臣又庸碌無能一切地方事宜

全未經理即矢竭犬馬心力不能無才小任大之

懼伏乞

皇上睿鑒於臣負荷不勝之時

恩召來京俾臣日聞

聖訓龜勉學習則臣之有生皆沐我

皇上生成栽培於無既矣為此繕摺恭謝

天恩謹

奏

事屬一體奚慮大小理無二致何分難易如能洗滌向時因循黨庇潔身而不奉公沽譽而不體國之陋習忠勤職守懋勉實政何有不勝任之慮李衛非比高其倬一流不肯為國家致身之督臣也當以為楷模而效法

之事事領教請益伊自然推誠相告和衷協謀可無失誤之虞也勉為之倘或仍執科甲鄙見不肯實心改革宜特李衛不能有益於汝朕亦無如汝何矣

署理浙江布政使臣程元章謹

奏為奏

聞事竊臣奉

旨署理浙藩星馳就道自入浙境目睹早稻盈疇處處成熟雨水調勻太平景象臣喜不自勝隨於本年

八月初三日到任陸續據各屬申報早稻收成分數前來雖有十分九分以及八分七分六分不等合之通省分數要皆大有之年再查今歲八月大潮之汛已過各處沿塘堤壩俱保無虞止有海寧縣草塘坍挫數處會稽縣海塘衝壞一處現在飭令搶修堅固其餘俱慶安瀾居民亦皆樂業臣謹

繕摺奏

聞伏乞

皇上睿鑒謹

奏

據奏早稻成熟堤壩俱保無虞朕懷深慰

署理浙江布政使臣程元章謹

奏為跪讀

御筆訓旨繕摺奏繳敬陳愚悃恭謝

天恩事竊臣於八月初三日到浙江布政司任跪接

皇上御批奏摺到臣欽承

訓諭命臣竭力屏除科甲向來因循黨庇求名而不務

實之陋習跪讀之下感激悚惶益加奮勉臣前在

福建學政任內矢公矢慎力除此弊無論其居家

之翰林進士舉人不容干求即現在福建由科甲

而居顯位者臣亦不敢徇私廢公一毫瞻顧即如

臣由閩赴浙之前一日鹽驛道孫國璽來告臣云

現有你的上司署浙江巡撫蔡仕舢聞你做屬官

差人連夜趕來有書子說他兒子蔡登魁不應考

試可混附入拔取錄科之中你意如何臣聞之心  
中不服即回云三年來不容人之干求豈可因做  
他的屬官即順情的道理斷然不依孫國璽亦云  
你此時不順從的極是如順從即為受挾徇私矣  
只是他家人可惡出言不遜說此時比不得做學  
院既做我們的屬官還敢作怪麼我聞此言未免  
著惱將他家人叱呵幾句將書子擲還他去了等  
語臣於此時亦毅然拒之無所瞻徇畏懼臣於八

月初三日到任初六日署撫入閨至十三日署撫  
忽傳杭守入閨吩咐如今外簾新例用的是幾箇  
府州縣佐貳官辦事遲鈍可傳諭布政司速選幾  
箇科甲人入閨辦事臣驚駭云士子考過兩場如  
何另選得外簾官違科場條例即是違

旨這斷行不得至下午杭守又來說蔡大人之意定要  
如此臣又回云大人要行我當以科場條例具詳  
斷不敢委曲順從似此等違例壞法之事無論其

有獎與否臣心中惟知有

朕嘉悅覽之凡為臣者能視君為一體知世間可親信  
皇上不敢周旋現任上司更何敢瞻徇科甲情面臣到  
者莫如君不可以對父母妻子者可告之於君能存如  
任督臣李衛已回江南一月聞其三日五日必有  
此想何患朕不視汝為心膂也勉之勉之

信與署督撫或云科場當動何項錢糧或云海塘

當如何修築或云補漕倉穀當乘此豐年及時購

買即此觀之其身雖在家而其心實無一日不在  
李衛除實心任事外無他伎倆也朕之所以重伊者在  
浙如此公忠體國為公而不為私之大臣臣實在此  
此其餘一切施措學問經濟淹論之中才尚屬不及可  
心服臣當遵

覩人但能建立根本縱枝節間小有出入實屬無妨止  
旨事事效法至臣於地方情形應行辦理之事亦必具  
效法其存心處可耳

摺奏

果能槩無欺隱朕復於汝何責焉勉之  
聞不敢隱匿惟是藩司衙門書吏甚多而弊端亦多臣

到任數日支放提標閏月米折銀兩即有書役邵  
瀚與營弁通同索取陋規每石四分於提督處發

覺臣當即鎖拏收監俟會同臬司審究此事雖在此等過咎不足為咎也

臣到任數日之內而失察之咎亦所難辭再臣到

任即催辦乍浦水師滿營糧餉適署督臣性桂閱

視海塘署撫臣蔡仕恥入閩所有撥定糧餉必俟  
督撫批詳到日始辦恐趕不及臣即一面具詳一

面行府縣速運及水師兵到而糧餉已先到齊幸  
咸肯似此實心擔任辦理諸務朕惟恐汝之不敢擅專無遲誤如此不候督撫批到即行非臣敢擅專實

在酌量緩急情形有不可拘泥之處耳再臣前摺

奏請

皇上賞假省親者原為今冬明春復

命之日便道而言也今蒙

天恩授臣以藩司重任一切庫帑及地方事宜正需料

理即臣祖父家信中諄諄訓誨俱以臣受

賜來人參貂皮乃朕與汝祖汝父者過便寄回家中抗  
聖恩高厚不當以家為念臣何敢置

州一水可達若迎養任所豈不更美乎  
國家公務於不問而即先顧其私乎為此繕摺具

奏并繳

天恩謹  
御筆訓旨三摺叩謝

奏

所奏朕甚嘉之堅持此志毋稍遷移可也

署理浙江布政使臣程元章謹

奏為跪讀

聖訓感激銘心繕摺恭繳再陳愚悃事竊臣於十月十

八日跪接

皇上御批奏摺到臣隨捧至靜室跪讀荷蒙

聖恩優賞訓勉臣感愧交集倍深悚惶伏念臣識淺才

庸蒙

皇上授以重任刻刻儆惕不敢不竭盡心力凡屬當行

之事挺身協辦不敢諉却亦不敢執謬倘於

臨事

當有此操事前不可預存此念何也從來和能致

國

家成例有礙之事即督撫亦不能強臣以必從臣

祥今古賢臣必言和衷二字者蓋不欲預止異同之見

寤寐思量務求件件可以上告

也凡預有所見皆屬私意未免有乖循理順應之道誠

君父而後安惟乞

之

皇上時加訓誨俾臣得以祗奉辦理也為此繕摺恭繳

御批謹

奏

但循理而不尚氣方稱大丈夫之行為聖人貴和而不流太上不敢為天下先能於此處得力何往而不利貞也

署理浙江布政使臣程元章謹

奏為密陳事竊臣到任之初即料理水師滿營赴乍

浦先催運糧餉次作四次委官護送其家口臣密

問護送之官及平湖知縣水師營蹕躍如何皆云

糧餉不敷其用不免窮愁之狀臣查此水師八百

名有在杭之未汰兵三百七十四名原食甲糧每  
月領米二石五斗餉銀二兩馬乾銀三兩原可贍  
養八口十口之家一入水師即去其馬乾三兩為  
數已減尚可支持而又報故一名即汰去一名不  
能常得此數其新拔之四百二十六名每月只領  
銀一兩五錢米三斗實在不敷其用即就現在相  
形而論同一水師同一操練新拔者與未汰者食  
餉相去懸遠亦未為均平近蒙我

皇上仁恩疊沛格外賞給生息銀數萬兩滿漢各營俱歡欣踴躍感激無地獨此水師滿營日用艱難未

免有殷殷待

澤之想臣看海疆重地設立水師所以捍外而衛內倘其內顧心憂恐非所以鼓勵軍心也臣因密語於督臣李衛亦與臣見相符為此謹陳愚見此滿營水師不必加糧而可加賞欲議加賞宜先定罰或每月大操一次其勤習熟練者賞銀米若干其懶

惰生疎者除不賞給外尚當懲戒如此則恩與威  
並用而賞罰予奪之大權總由我

皇上主之而勤者感激愈奮即惰者亦鼓舞爭先矣  
臣職司出納非不知

國帑為重敢於糜費錢糧緣目睹艱難情形不敢不

據實奏

聞伏乞

聖鑒謹

奏

所奏可嘉自另有諭旨至於以賞罰勸懲而寓養兵之論殊有未協若不限以一定之數如何久遠循行此見

頗屬迂疎

署理浙江布政使臣程元章謹

奏為奏明晚禾豐收米穀價平海塘安瀾地方寧謐  
事竊照浙江省今值萬寶告成所有晚禾收成分數  
據各屬稟報前來自十分九分八分以及七分六

分不等米價自七八九錢一兩至一兩一錢不等  
再查浙省錢糧素稱難追自我

皇上沛從古未有之鴻恩既減嘉湖浮糧永著為例今  
歲又蠲免十分之二額賦六十萬兩士民頂戴

皇恩慕義向風輸將恐後時維九月而全完者則有嘉

興府屬之嘉興秀水平湖石門桐鄉嘉善海鹽七

縣杭州府屬之富陽縣嚴州府屬之壽昌縣寧波

府屬之定海縣解司地丁悉報全完現在本年錢

糧通省未完者不過四十餘萬明歲奏銷似可通  
完此實浙江省從來難得之事而獨見於今日者也  
再浙江海塘於九月初二初三兩日風潮大作報  
到海寧縣草塘石塘壠卸數百丈臣即親赴海寧  
一路閱看隨將看過潮險情形及搶築工程回至  
省城據實申報署督撫多委人員修築臣觀浙江  
潮勢全歸海寧其西南紹興所屬地方近有漲出  
田畝現在勘丈報墾所以潮勢側注直逼海寧也

查從前塘外尚有數里漲沙護塘至今年六七月  
大潮將沙土刷洗無存潮汛每日早晚去來四次  
衝刷塘根實甚危險其草塘之坍卸則有曹殿霸  
陳文港數處東石塘之坍卸則有華嶽廟念里亭  
數處幸而有督臣李衛預撥鹽務銀一萬兩委道  
員王欽福督同在工人員搶修杜築方保無虞而  
其衝刷之勢則未全寧息也臣看閱塘工後將  
題撥秋汎銀兩詳明署督撫發銀二萬兩督臣李衛

回任後親驗情形又發銀一萬兩辦料興工乘冬  
月潮退修築以防春汛大潮理合恭摺奏

聞謹

奏

搶修草塘等處毋卸幸保無虞深慰朕念但海塘乃浙  
省第一要務當竭力協助督臣敬慎為之時刻不容疎  
忽者

浙江布政使臣程元章謹

奏為恭謝

天恩事竊臣於本年正月接奉督臣李衛轉行部文到  
臣蒙

聖恩實授臣浙江布政使臣隨恭設香案望

闕叩頭謝

恩除詳請督臣代

題叩謝

天恩外臣才識淺陋伏讀

御筆訓旨以循理而不尚氣教臣仰維

聖言中正和平該括天地古今經常不易之理臣日夜

恭繹刻刻銘心臣嘗見賦氣餒者不入於推諉廢事即流為俯仰從人而賦氣壯者不入於偏執自用即流為慷慨爭先夫推諉廢事其心固不堪自問而慷慨爭先其道亦未為全是總之立一念行一事實是為

國可以上告

君父不但督撫可擔即藩司亦可擔也如實非為  
國不敢以上告

君父不但藩司不敢擔即督撫又豈敢擔乎此中只爭  
公私之界是理與非理之間而一切矜才恃氣總  
無所用之臣惟夙夜惕悉心體會

聖諭理氣二字凜遵以行斷不敢頃刻有違也謹繕摺

恭繳

聖諭叩謝

天恩謹

奏

所立之志及所見處俱是矣惟當加勉實行

浙江布政使臣程元章謹

奏為據實備陳海塘情形事竊海塘為浙江第一要  
政臣曾兩次具摺奏

聞蒙

聖諭諄切臣時刻警心不敢疎忽上年十二月底及今

年正二兩月報草塘坍矬六十餘丈臣即親往逐段細加勘驗查西塘自華家衝至浦兜兜長二千餘丈俱為草塘草塘者用柴加土築成堤岸潮平可以無虞潮險不時坍矬隨坍隨築恐不可恃所以督臣李衛奏請於草塘內再築石塘一道以備潮汐現在勘丈估修過草塘之東為五百丈大石塘此大學士朱軾為浙江巡撫時所修也其塘底用梅花椿上用大石版層層合縫工程堅固竝無

坍卸過大石塘之東經海寧縣至尖山七十餘里俱為塊石塘塊石塘者用大小石塊參差錯雜堆砌成牆原不過一二尺內用土築不用灰不合縫料物原儉而工程亦不堅固外用坦水二三四層不等坦水如階級式外用椿排內填石塊以緩潮之勢保護塘根法非不善但前年有漲沙數里潮不為患及至沙洗無存而坦水塘身多至坍卸有報坍數丈數十丈者現在就其坍塌段落改築條

石塘下寬八尺頂寬五尺庶乎可以禦潮矣但臣

細看舊日塊石塘工俱屬鬆薄不堅此修彼坍實

無一段可以站立者今欲將數十里盡行拆修不

惟浩費不貲難以動工且潮刷塘根亦不敢俱行

拆毀興修也臣即將勘驗情形與李衛再四商量

現在有陳世侃所捐之四十萬兩以為備工辦料

之需毋卸一段改築條石一段其未坍之處俱飭

工員加土培濶即塊石坍卸而尚有堅土捍禦可

以搶築目下督理塘工杭嘉湖道王欽福人頗耐勞修理亦勤工員同知吳弘增李煦李飛鯤三人分段趕築無敢諉卸其所修工程亦屬著力將來可以無虞理合據實奏

聞謹

奏

敬慎料理毋致少有疎虞

浙江布政使今陞安徽巡撫臣程元章謹

奏為恭謝

天恩瀝陳下悃叩請

陛見跪聆

聖訓事雍正八年五月二十四日臣接到督臣李衛准

吏部咨奉

上諭安徽巡撫魏廷珍著調補湖北巡撫安徽巡撫員  
缺著浙江布政使程元章補授魏廷珍程元章俱著  
即赴新任若有奏請訓旨之處具摺陳奏欽此轉行

到臣臣隨恭設香案望

闕叩頭謝

恩訖竊臣中州菲材叨列史館不數年間荷蒙

聖恩超擢陞授安徽巡撫聞

命之下感深五內悚惶莫措伏思巡撫乃封疆重寄通  
省事件無一非其職任以臣庸愚豈能動合機宜

仰懇我

皇上允臣

陛見俾臣得一一跪聆

聖訓不但徹臣心

主誠憇得以稍慰而祇奉

訓諭辦理庶可不致貽誤封疆為此繕摺恭謝

天恩叩請

陛見謹

奏

目下不必來京往赴新任聽候諭旨

安徽巡撫臣程元章謹

奏為謹將經歷地方情形據實陳奏事竊臣於上江

一帶地方多未經歷且廬鳳二府現報水災臣思

由大江揚帆赴任則地方情形竝無見聞臣隨渡

江由陸路赴任所有臣經歷地方情形一一為我

皇上陳之

一臣自江浦縣至安慶府將及千里經過滁州定遠合肥舒城桐城等州縣雨水調勻禾稻茂盛米

價亦平民俱安樂惟鳳陽府屬之臨淮懷遠并泗  
州數處貼近淮河一遇水漲常多被災報到日臣  
即於途中委員星飛確勘撫恤另疏

題達

一臣看廬鳳二府田多荒蕪細察所由其地習俗  
多靠婦人耕種男子遊蕩以致可耕之田無不拋  
荒地方官多置不問臣即面飭府州縣諄告以省  
耕勸墾之道倘申飭過一年之後田不勸墾民俗

游惰惟該地方官是問

一江北一帶乃江西廣東等省驛路通衢京餉不時過往竟有二三十里無一營汎者甚屬可虞臣即函飭州縣寬以三月限期令確查一路險要荒僻營汎疎濶之處詳明酌量添設已設營汎之處俱行修葺完好如再廢弛定即嚴參

一臣到任伊始地方官賢否未能周知其大槩光景推諉廢弛者居多俟臣訪查確實秉公舉劾不

敢絲毫瞻徇有負我

皇上簡畀重任之至意

一各州縣倉穀現在委員查盤藩庫錢糧速催署  
司劉柟查盤出結後臣即親赴江寧查盤清楚具

題

一刑名案件關係尤重安徽臬司一缺於臣到蘇  
州接印時署督臣史貽直云已題委江安糧道劉  
永璜署理矣臣雖未與劉永璜共事而史貽直既

經題委自必實有所見臣看其辦理刑名何如再為據實陳

奏

一安慶府城枕臨大江上接湖廣江西下通江寧等處省城相去俱有數百餘里盜賊出沒其間撫標城守水陸各營最關緊要從前撫臣每不親加操閱以致營伍廢弛臣蒙

皇上特恩授以封疆重任何敢仍蹈前轍不加整頓現

在嚴飭將弁按期操演臣再不時親閱以示鼓勵  
以上數條臣識淺才庸膺茲重任蚊負難勝伏乞  
聖恩詳加訓誨俾臣得夙夜凜遵以期仰報

高厚於萬一謹

奏

覽所奏各條俱悉竭力勉為之母幸負朕之委任

安徽巡撫臣程元章謹

奏為詳陳地方情形事宜仰懇

聖訓事竊臣於到任後即將臣所經歷見聞略陳梗概  
至今二十餘日以來臣趕辦未接任時壅滯一切  
刑名錢穀案件仍詳加訪詢關係地方緊要事宜  
有廢弛日久不得不整頓者數條為我

皇上陳之一沿江要地營署營房煙墩塘船等項亟宜  
修葺也一廬州府城內河道亟宜開濬也一城垣  
坍塌所宜亟修也臣查江塘巡船所費不過十兩  
之內塘汛營房墩臺望樓等項所費無多仍責成

地方官修理至城垣河道工程以及水旱偏災急  
需非府縣官所能捐辦而正帑錢糧亦不可輕動

臣聞各府州縣尚有未全報出之鹽商規禮銀兩  
俟臣查出若干奏為辦公之用再署藩司噶爾泰

曾統報藩庫盈餘銀五萬餘兩撫臣衙門並無冊  
案可查俟臣查盤藩庫後逐款詳悉

奏明仰懇

皇上睿裁賞給辦公則緩急有賴而地方事宜可以漸

次整頓矣謹

奏

此奏為其倬帶往江南與程元章會商辦理

安徽巡撫臣程元章謹

奏為敬陳愚悃恭請

聖訓事竊臣查山東被水饑民蒙

聖恩蠲免錢糧發帑賑恤固已共慶生成不致失所矣  
而其素無產業佃田傭工不能自立之人亦有一

遇荒歉未待賑濟即扶老携幼匍匐鄰境就食者  
查上江地方外來饑民雖不甚多而其情形亦甚  
堪憫現在署督臣史貽直與署藩司劉柂將奏留  
署司噶爾泰養廉銀三千餘兩助給盤費遞送回  
籍是亦毋使流離失所之意臣思此等饑民既跋  
涉一二千里來至上江目下米價甚平壯者或佃  
田傭工覓食亦易其老幼廢疾不能謀食者臣查  
上江原有捐積之米每畝二合存貯各州縣以為

備賑之需臣移會督臣酌量動支按名日給三合  
可以不至饑餓度此寒冬俟明年春和再設法勸  
諭資助回籍庶為安全再遏糴一事最為各府州  
縣之通弊其意以為鄰境搬運恐豐收者或至不  
足職守地方不得不然殊不知無分此疆彼界均  
是

聖朝赤子運此地之有餘以補彼地之不足憂樂相關  
豐歉與共庶幾仰副我

皇上四海一家萬物一體之至意況豐歉原無定所目  
前鄰境藉資於此地安保此地不藉資於鄰境豈  
可拘守一偏之見致使災患竟不相恤江蘇所屬  
被災地方鄰近安徽者不能不資安徽安徽山東  
被災地方鄰近江蘇者亦不能不資江蘇臣與江  
此舉是極蘇撫臣尹繼善彼此咨商通行禁止遏糴庶豐歉  
得以相資而民食不至艱難矣為此謬陳管見伏

乞

奏

已有諭旨矣

安徽巡撫臣程元章謹

奏為據實陳奏事竊臣到任數月以來訪確聲名狼籍不堪之太湖縣李佳士六安州李懋仁斷難姑

容已經臣具

題劾參其勤慎供職試俸已滿者臣已經會疏保

題其才不勝州縣之任者俟臣酌量

題請改用教職其餘州縣若非貪劣昭著尚可勉勵  
者仍不時嚴飭以觀後效署按察司糧道劉永璜

勤慎供職頗不瞻徇所屬知府七員安慶府知府

徐士林操守好人明白太平府知府李暉謹慎勤

敏池州府知府李士傑操守好人謹飭餘則俱平

常供職倘有查出瞻徇情弊斷不姑容以貽誤地

方有負

皇上任用之至意也謹

奏

察吏為督撫第一要務能如是留心甚好

安徽巡撫臣程元章謹

奏為陳奏事竊臣才庸識淺辦理地方事務懼不勝

任謹備細陳奏伏乞

睿鑒

一 安慶所屬勘明夏被水災有宣城旌德懷遠銅

陵建平五縣勘明秋被水災有寧國無為壽州鳳  
陽臨淮懷遠虹縣泗州五河潁上十州縣鳳陽長  
淮二衛俱已核明饑口造冊放賑外獨鳳陽之靈  
璧縣被災實有七分而知府葉專知縣吳之綱暨  
委勘之試用蒙城縣知縣魏允中通同隱匿捏結  
報不成災續據委員鳳陽道何宗韓等勘明諱災  
匿報是實雖經臣立即

題參飛飭撥穀補賑而失察之咎臣實難辭也

覽

一鳳陽府知府葉萼專係忠節之後臣上年赴任過鳳陽府屬地方面加勸勉冀其努力自愛無負

聖恩乃觀其人辦理地方事情俱浮而不實詢以屬官賢否總是游移瞻徇之詞鳳陽要缺實不勝任臣已經部議革職矣不敢優容姑息以貽誤地方也

一捧讀

聖諭查賑咨送外來饑民臣與督臣咨商畫一大口毎日給盤費銀五分小口三分一面查明造冊賑恤

一函咨會鄰省彼此接送給與盤費收留安插至  
饑民中有百工匠作素無田產專靠手藝營生者  
如一例送回本籍荒年既無雇覓工作其人又無  
田土可耕必致束手無策臣與督臣咨商於此等  
饑民則聽其在境工作謀生不必強送而其人亦  
如是聽從民便  
理應俱稱便

一上江所屬州縣積玩已久如墩臺營汛等項毋  
卸者甚多臣到任委員查看限以三月之內修理

完固今春委員查驗而修完者尚不及半臣復與  
督臣俱在嚴催修理如仍前急忽即行指叅以微  
應實力督修以固汎防  
玩誤

一臣前奏請將藩司盈餘銀兩酌存辦公督臣高  
其倬到任後臣又商議此款銀兩藩司已造入正  
項冊內部文撥解京餉無庸議留至臣所奏各屬  
尚有未經報出之鹽規禮飭令報出存為公用各  
屬陸續報有數千兩尚未報齊督臣又云鹽臣伊

拉齊亦查此項未便查奏

臣

思鹽臣與督臣撫臣

所查均為辦公之用應否將此項留為地方官辦  
與督臣高其倬商酌而行當茲軍需浩繁之際內外宜

公之用

臣

未敢擅便伏乞

視為一體諸凡公用留意節慎

聖裁

一安慶撫標城守三營弁兵宜按期操練以肅軍

紀

臣

於二月操期又親看大操一次較上年冬間

之操又覺熟習其兵丁中之衰老怠惰者汰革選  
文臣

每多忽略武備當深以為戒於訓練考覈諸務力

補其年力精壯弓馬嫻熟者分別獎賞以示鼓勵

行勿怠不可徒託空言

三營弁兵亦無敢怠忽

一刑名案件關係非細安徽所屬亦係繁雜按察  
此奏朕未洞悉汝意或言王紘辦事之優與不及耶抑  
司王紘到任以來勤慎小心以求平允臣仍逐件  
或別有他故而預設是言耶明白更奏以聞  
詳慎不敢稍有疎忽也謹

奏

逐條批諭矣

安徽巡撫臣程元章謹

奏為棍徒糾黨假公濟私沿門嚇詐大干法紀事竊

臣據署布政使劉柟詳稱據潁州詳霍邱縣有一

夥無賴光棍糾合多人將各保凡有田之家開列長單以首告欺隱為名沿門嚇詐肯助盤費者即去其名無論有欺隱無欺隱俱要詐財若不依從定要列姓名詞狀拉到江寧安慶拖累到二三年一單動開數十百家沿門恐嚇民心惶惶莫可言狀等語又據潁州詳與司詳無異臣正在察訪間於八月十六日放告果有霍邱縣棍徒蔣正陳班

姚文重方子亮朱恒等控首多人當據霍邱縣被  
害民人陸從禮等十餘人當堂訴質嚇詐財物有  
據隨發署按察使劉永璜審問據該司訊供詳報  
據蔣正等供同夥八九人陳天爵為首嚇詐得數  
十家米稻銀錢是實俱各供認不諱等因前來除  
將供認得財之陳班等五人并其夥黨批司轉飭  
該州縣訊明追贓究擬外其田之有無欺隱臣現  
在諄切出示令民據實自首與其隱匿不報徒飽

光棍之慾壑何如遵

旨一一首明安然為

盛世之良民隨檄行該州縣勸導去後臣再有請者嚇

詐財物罪在不宥而欺隱田糧亦法所難寬臣思

該州縣除首報欺隱外尚有隱田亦未可知臣懇

皇上天恩再寬以半年之限令其自首陞科如限內不

肯首報或經查出或經保甲告發令該地方官親

行按冊抽丈多則計畝論罪小民諒亦無敢隱匿

矣事闢清查田畝臣不敢悠忽從事亦不敢孟浪

輕舉伏乞

聖訓指誨俾臣得以祇奉辦理謹

奏

照所請准予寬限該部知道

安徽巡撫臣程元章謹

奏為謹陳詳委屬員仰懇

聖訓事竊臣查府州縣缺出向例皆由藩司詳請委署

此雖往例而於安慶行之實有未便安慶去江寧  
布政使衙門七百餘里詳文往來一次每至半月  
有餘倘所詳未協再駁另詳或批定之後該委員  
別有事故又復遴員詳委往還稽遲每懸缺至三  
四月之久以致地方諸務每多廢弛臣請嗣後凡  
督臣主稿出缺之處即就近令藩司具詳委署仍  
移咨撫臣衙門飭知臬司存案凡撫臣主稿出缺  
之處即就近令臬司具詳委署仍移咨督臣衙門

亦飭知藩司存案如此則員缺不致久懸而地方  
諸事均免貽誤矣為此敬陳管見伏乞

皇上聖訓俾臣得祗奉辦理謹

奏

該部議奏

安徽巡撫臣程元章謹

奏為恭報雨水米價二麥長茂情形事竊查正二  
月雨水調勻二麥長茂三月以後雨水較多二麥

尚不至受傷安慶府屬米價每石八錢八分九錢  
一兩一兩三分一兩一錢不等徽州府屬中米價  
每石一兩四錢五分一兩五錢一兩一兩二錢五  
分一兩二錢一兩四錢不等上米貴者一兩六錢  
五分寧國府屬中米價每石一兩二錢一兩二錢  
五分一兩三錢五分一兩四錢一兩五分不等上  
米貴者每石一兩四錢五分池州府屬中米價每  
石一兩一錢二分一兩五分一兩二錢五分一兩

一錢不等上米貴者每石一兩三錢五分太平府  
屬中米價每石一兩五分一兩四分九錢五分不  
等上米貴者每石一兩一錢廬州府屬中米價每  
石一兩六分一兩五分一兩二分一兩一錢一兩  
二錢五分不等上米貴者每石一兩三錢鳳陽府  
屬中米價每石一兩一錢五分七錢八分一兩四  
錢九錢五分一兩三錢一兩七錢八分不等滁州  
屬中米價每石一兩一錢一兩五分一兩不等上

米貴者每石一兩二錢和州屬中米價每石一兩  
一錢五分上米一兩二錢五分廣德州屬中米價  
每石九錢一兩五分不等上米貴者每石一兩一  
錢六安州屬中米價每石八錢五分一兩一兩四  
錢五分不等上米貴者每石一兩五錢泗州屬中  
米價每石一兩五錢五分一兩二錢一兩三錢二  
分不等上米貴者每石一兩六錢潁州屬中米價  
每石一兩一錢二分一兩一錢五分九錢五分不

等上米貴者每石一兩二錢六分亳州屬中米價  
每石一兩二錢一兩四錢五分一兩四錢七分不  
等謹

奏

覽所開米糧價值甚屬繁而不明

安徽巡撫臣程元章謹

奏為密陳事本年二月二十日准湖南撫臣趙宏恩  
密咨到臣查曾靜所供姦人王澍根底家屬產業

及王澍舊日同窓原任耒陽縣知縣張應星家屬  
現住徽州府先即摘喚確訊王澍家屬下落并其  
與王澍同窓交好之處移到王澍圖形一紙鈔供  
冊一本臣當即選差把總李奇前住徽州地方慎  
密緝訪三月十二日據李奇密稟訪得張應星家  
屬向住徽州府城內張應星已故伊子張秀公遷  
移在休寧縣三十都一圖小濱居住臣隨密飭  
休寧縣協同李奇前住密查喚訊不得疎縱亦不

得驚累無辜俟拘到張秀公詢明伊父平日與王澍同窓交好之處并王澍家屬下落嚴拏審究容

臣另

奏外謹將密訪張應星之子張秀公住址下落先行奏

聞謹

奏

覽奏知道了母得少有疎縱以及枉濫株連

安徽巡撫臣程元章謹

奏為盤查積貯以濟平糶事竊到任後撫臣魏廷

珍移交各屬實貯穀米共十五萬餘石臣俱委員

盤查取結由藩司彙詳

題報在案安徽所屬十四府州存貯倉穀僅有此數

係屬最少上年夏秋成災共十七處撥賑穀九萬

餘石續查出靈璧縣成災現在確查饑口撥穀補

賑共約費穀十萬餘石是一歲之賑而通省餘存

實貯不過四五萬石不足以濟今春平糶之需臣  
查雍正四年蒙

聖恩特發銀十萬兩分派安徽各屬買穀貯倉備賑至  
今尚未報銷巡撫衙門無冊可稽臣隨飭藩司確  
造款冊如有虧缺即行

題參據報各屬共買穀一十八萬五千餘石尚存銀  
三千九百餘兩臣一面委員盤查令各地方官將  
買貯穀石於此青黃不接之時酌量平糶以濟民

食以仰副我

皇上愛育黎民之至意為此繕摺陳

奏伏乞

聖鑒謹

奏

覽奏已悉秉公竭力辦理以期無忝厥職

安徽巡撫臣程元章謹

奏為恭報二麥收成分數事竊照今歲上江地方雨

賜時若二麥暢茂今已刈獲臣通行飭查據各府  
州將收成分數開報前來俱有十分九分八分以  
及七分六分不等其二麥價值大麥每石自三四  
五錢至一兩一錢不等小麥每石自六七九錢至  
一兩六錢不等又據安徽十四府州屬報到雨水  
俱已霑足田禾插播齊全青葱長發可望有秋所  
有二麥分數價值秋禾插播情形恐僅

聖懷謹繕摺恭

奏伏乞

睿鑒謹

奏

據奏閩屬二麥收成分數及雨水禾稻情形以手加額  
覽之

安徽巡撫臣程元章謹

奏為遵

旨陳奏事竊臣前奏安徽各屬春季米價一摺蒙

硃批訓旨覽所開米糧價值甚屬繁而不明欽此臣跪  
讀之下恐懼戰兢惶悚無地臣前奏因據各屬所  
報價值按其縣分挨叙以致價值高下錯雜無序  
實屬繁而不明茲謹將春季各屬米價另繕清摺  
再為陳

奏伏乞

睿鑒臣不勝悚惕惶惶懼之至謹

奏

朕一日之所披閱及一切訓諭甚屬殷繁舉凡爾等奏  
章朕皆自首至尾詳視不遺如或覽或不覽何必諱諱  
命爾等具摺耶當諒朕心力所能擇緊要處簡明陳叙  
以聞方是若動以幕賓門客綴輯閒文混行冒瀆甚至  
以數兩幾分花賬連篇累牘任情開列以相煩瑣於心  
忍乎思之

安徽巡撫臣程元章謹

奏為再陳愚悃事竊臣前密陳漕務關係重大不敢

遽議停運一摺實臣區區愚衷不敢不敬陳於

君父之前未蒙

諭旨訓誨臣彌切悚惶臣於另摺跪讀

訓旨當茲軍需浩繁之際內外宜視為一體諸凡公用  
留意節慎欽此仰見我

皇上睿慮周詳因時制宜超越臣愚識見萬萬也臣因

思

國家經費應有緩急移緩就急實通融酌劑之道臣

前就

天庾積貯計之則見漕務關係重大不敢遽議停運而  
於軍需浩繁之際漕糧於三年之內勻折一年是  
亦通融酌劑之議今督臣高其倬亦議將安徽司  
道折徵一半之議改照江蘇三年勻折一年之議  
咨覆漕臣性桂并移咨到臣漕臣亦准臣議覆臣  
思十月收漕之期轉瞬即屆不敢遲誤隨亦議三  
年勻折一年咨覆漕臣俟漕臣彙齊奏請

聖裁伏念天下大計移緩就急運籌酌劑惟我

皇上聖謨宏深籌畫盡善非臣愚所能見及萬一臣才

庸識淺不敢膠執管見亦非敢奏議互異懇乞

皇上訓誨開導俾臣得以祗奉辦理為此謹

奏

汝錯會朕意矣前摺所批軍需浩繁之諭蓋指地方不  
急之浮費可以節省者而言非令汝等設法協濟國用  
也何庸愚不達一至於此

安徽巡撫臣程元章謹

奏為密查事竊臣准湖南撫臣趙宏恩札開照得曾  
靜所報姦人王澍一案本都院遵

旨查詢今將節次詢過曾盛任鍾湘羅一奎等各供情  
緝摺奏

聞外查各供王澍係江南人為此照鈔全供照繪圖像  
密札前詣貴都院請煩查照在於貴屬密訪王澍  
根底或另有的名的姓併查拏家屬財產其原任

永陽縣知縣張應星親屬已回原籍徽州亦再煩為摘喚確詢密為見覆以便擬

奏等因到臣臣隨經密差把總前赴徽州府屬查出

原任永陽縣知縣張應星之子張秀公密報到臣

一面密飭休寧縣嚴拏看守隨將拏獲張秀公緣

由繕摺具

奏續又於本年四月二十六日接到大學士公馬爾

賽等寄來原

奏摺內開據湖南巡撫趙宏恩查審姦人王澍一案  
訊據曾盛任等各供王澍到曾靜處及停宿祝融  
庵鍾湘等家與鄧子參羅一奎等供詞相同且據  
僧彌增鍾湘鍾清霞羅一奎俱稱形狀與畫圖無  
異是大領印已死之姦人為王澍無疑應如趙宏  
恩所議將已死王澍銼屍揚灰其供明鍾湘一干  
人等俱行釋放但羅一奎既供王澍係江南人應  
密行文江南督撫令其留心查訪倘得蹤跡即查

擎家屬密行訊究以窮姦黨而快人心其曾靜稟  
呈王澍原帖臣等密封收貯為此謹奏請

旨雍正九年四月初九日奉

旨依議欽此等因并鈔趙宏恩奏摺及曾盛任等供詞

封寄到臣隨密飭按察司提犯查訊續據該司稟

據休寧縣訊據張秀公供出同在耒陽縣任所之

孫儀周張振蕃二犯隨密飭一併提訊於五月二

十二日恭接

硃批諭旨覽奏知道了母得少有疎縱以及枉濫株連

欽此欽遵密催按察司迅提張秀公等去後隨據

徽州府委員押解張秀公等到皖臣隨提犯親訊

據張秀公孫儀周張振蕃各供均不認識王澍竝

非張應星同學亦無僧人彌增持書借銀之事臣

恐其畏累狡飾又設為唐思在湖南已供認僧人

彌增到縣取銀并張應星與王澍同學之語以窮

其詞伊等堅供竝無影響願求提到唐思對質據

此查各犯供詞不無狡辯難以遽信但查湖南審供王澍與張應星同學係彌增轉述王澍之言而彌增原供又稱銀帖是王澍叫曾盛任代寫給與僧人的僧人因不信他所以不敢赴縣領取銀子等語是取銀之事原屬烏有且果係同學彼此筆跡自相熟識託人代取財物尤以親筆為憑王澍令彌增向應星取銀何不自寫字帖乃假手於曾盛任代寫致令筆跡無憑此等供情尚未確鑿至

唐思即唐詩久在應星署內供役王澍於雍正元年盤桓耒陽等縣地方果與應星交好必曾到署探望唐恩依附應星非親非友又非豢養家僕張秀公等即畏罪狡辯唐思必不能代為支飾縱令唐思曲徇張秀公等而應星在任日王澍往來衙署斷難掩書役人等之耳目似應一併移查確供再行質審方可定案再湖南審供曾盛任代王澍筆墨彌增領王澍銀帖鍾清霞與王澍談文鍾湘

延王澍處館羅一奎為王澍僕從日親日近當無  
不細問王澍籍貫之理今湖南各犯但稱王澍係  
江南人其實係江南何州縣地方俱未供明况曾  
靜與王澍密邇知交定知籍貫根底今曾靜及曾  
盛任等現在湖南仍應查訊確供指出王澍實在  
籍貫立究黨羽盡拔根株庶可鋤姦黨而快人心  
除現在遍行密查王澍家屬下落將張秀公等嚴  
禁看守并密咨湖南撫臣查覆外所有臣密訊張

秀公等供詞另繕一摺恭呈

御覽理合將訊供咨查情由繕摺陳

奏伏乞

皇上睿鑒施行謹

奏

仍遵前諭行其中人犯如審明實係無干者即予釋放  
或尚有候質處暫令保出在外毋致無辜久繫囹圄須  
知冤抑平人與疎縱匪類其過相等秉公為之

安徽巡撫臣程元章謹

奏為密查事竊臣前具摺陳奏據湖南撫臣趙宏恩  
密咨原任永陽縣知縣張應星與姦人王澍同窓  
借銀情事提訊其子張秀公等一案奉有

硃批訓旨臣跪讀之下仰見我

皇上訓示平允之至意

硃批到臣之時督臣高其倬已將張秀公提審解赴江

寧臣即敬錄

諭旨密齎督臣衙門一體欽遵辦理俟關取湖南各犯  
確供到日再行提訊定案其王澍家屬下落現在  
遍行密查務究根株不敢疎縱所有遵奉

諭旨辦理之處理合繕摺奏

聞謹

奏

此等些小事何必頻頻瑣瀆

安徽巡撫臣程元章謹

奏為恭報秋禾收成分數事竊照今歲安徽等屬地  
方雨水雪足秋成豐稔臣通行飭查據各府州將  
收成分數呈報前來查安徽寧池太廬鳳七府並  
滁和廣六泗潁亳七州及所屬收成俱有七八九  
十分不等此皆我

皇上敬

天勤民時以稼穡為念所以秋穀豐登咸慶大有除將各  
屬收成細數另摺分晰恭呈

御覽外為此繕摺奏

聞謹

奏

覽秋成分數朕懷曷勝欣慰

安徽巡撫臣程元章謹

奏為陳奏事竊臣查安省雍正八年正當舉行

大計因署督臣史貽直與臣均係履任未久屬員賢

否未能周知俱經

題請展限於雍正九年補行今督臣高其倬調署雲  
貴廣西總督印務署督臣尹繼善甫經署事復又  
題請展限緣

計典例應督撫會核舉行臣亦循例具

題請俟雍正壬子年補行尚未准有部覆伏思察吏  
安民封疆首務臣不敢因

大計暫停稍為寬假因循於屬員中貪婪不法昏庸  
溺職者俱經特疏糾叅其才力不及者并請改補

教職外臣查安屬尚有才非肆應而身任繁劇者

有辦事勤敏而職任簡僻者均應酌量調補庶於

地方有益但目下正當收漕之候一時更換恐致

推卸貽誤統俟漕務事竣臣與督臣酌量繁簡會

疏

題請調補再安徽現在試用及清查事竣人員內有

經委署辦事勤慎者亦酌量相宜之缺

題委署理一年如能稱職另行

題請實授如此則才具中平之員不致貽誤要地而  
才猷敏練之員亦得各展所長矣臣謹繕摺陳

奏伏乞

皇上睿鑒謹

奏

既係照例會疏題請之事何必多此一番瀆奏朕萬幾  
繁勞奚暇批覽汝之間談泛論也

安徽巡撫臣程元章謹

奏為陳奏事竊臣前奏酌調繁簡一摺奉有

硃批臣跪讀之下愧悚交集汗下通身如夢方醒因思

酌調繁簡原有成例可遵臣當與督臣商酌會疏

題請不當瀆奏以煩

聖聽實臣愚昧無知非敢有心塞責乃蒙

皇上指示寬容不加嚴斥臣五夜悚惶儆惕不安惟有

感激

聖恩勉竭駕馳心力以仰報

高厚於萬一謹

奏

汝為封疆大吏於朕一人尚不能仰體而致忠愛况各  
牧司百姓何能體察顧惜之也動稱愚昧無知惶悚不  
安以自解縱使斯語果實亦何益之有併此悚惶猶涉  
虛文殊無足取今後當知愧奮加勉莫負朕之委任

安徽巡撫臣程元章謹

奏為奏

聞事竊查安徽所屬地方上年麥秋收成豐稔物阜民  
安秋收之後種麥最為急務臣於冬月即飭各屬

查明二麥曾否種齊雨澤有無霑足據實申報去

後今據安徽寧池太廬鳳七府滁和廣六泗潁亳

七州各申報所屬地方二麥俱已種齊雨澤霑足

又據各屬報到雍正九年十二月初九十五等日

得雪二三寸至五六寸不等雍正十年正月初三

日得雪一二寸至一尺二寸不等現在正二兩月

又得透雨麥苗長茂臣查瑞雪普被雨水調勻米價不昂人民樂業皆由我

皇上至誠感格之所致將來二麥可望豐收所有二麥長茂雨雪霑足情形臣謹繕摺恭

奏伏乞

皇上睿鑒謹

奏

據奏安屬雨雪霑足米價平減以手加額覽焉

安徽巡撫臣程元章謹

奏為恭報二麥收成分數事竊照今歲安屬地方雨水調勻二麥成熟臣通行飭查據各府州將收成分數呈報前來查上江十四府州屬二麥業已登場俱屬豐稔羣黎樂業至四五兩月正值插秧之時有需雨澤隨據各屬陸續報稱甘霖疊沛四野霑足高下田畝禾苗插種齊全現在長茂可望有秋所有上江二麥收成分數臣謹另繕清摺分晰

開明恭呈

御覽伏乞

睿鑒謹

奏

覽二麥收成分數及雨水情形朕懷曷勝欣慰

安徽巡撫臣程元章謹

奏為奏覆事竊查廬州府城內向有金斗河一道壅塞年久一遇水漲無從宣洩素為民患經臣具摺

奏明設法開濬以衛民生隨檄飭廬州府知府徐大  
教合肥縣知縣趙良墅會同委員逐段估勘督率  
勸諭而閩郡紳士里民皆仰體

皇上宏開水利之深仁靡不踴躍捐輸爭先恐後自上  
年十一月十八日興工至本年六月初二日閱數  
月而十里長河挑挖已竣適值大雨時行水自西  
關湧入而河身深廣容納暢洩民居安堵水不為  
害據該府縣詳報實用過工價銀共四千八百餘

兩悉出土民急公樂輸至新築堤岸土尚鬆浮一  
經大雨不無衝潰之虞臣復檄行該府縣出示勸  
諭居民各量力隨時釘椿不但防衛河堤兼可保  
護屋基從此永慶安瀾常資利賴矣所有開濬金  
斗河竣工緣由理合恭摺

奏覆伏乞

皇上睿鑒謹

奏

興修水利固係美舉但當一順民情不可稍涉勉強如果事在應行於民有益何妨動用公項如法開濬以資利賴耶

安徽巡撫臣程元章謹

奏為恭謝

天恩事本年七月二十五日准吏部咨奉

上諭浙江總督印務著安徽巡撫程元章署理欽此欽

遵移咨到臣臣隨恭設香案望

闕叩頭謝

恩并循例具疏

奏謝外竊臣一介菲才荷蒙

皇上隆恩不次擢用

簡任安慶巡撫兩載以來涓埃未效時切冰兢茲復蒙  
恩旨著臣署理浙江總督印務聞

命之下感激惶悚益深警惕伏念浙省幅員遼濶統轄  
文武兼理鹾政海關事事均關緊要在在皆須整

理臣受此委任覆餗滋懼惟有念念

君恩念念地方務期整飭營伍澄肅官方釐剔姦宄又  
安黎庶嚴緝私販以疏官引稽查榷稅以慎錢糧  
不敢存一毫私意執一己臆見因循瞻顧貽誤封  
疆第臣知識短淺誠恐措施未當仰懇

聖慈時加訓誨指示俾臣敬謹遵循勉竭駕駘心力以

圖仰報

聖主洪恩於萬一臣已將徵收關稅錢糧料理起解於

八月二十五日起程赴浙所有臣感激愚悃理合

恭摺

奏謝

天恩叩請

聖訓伏乞

皇上睿鑒謹

奏

覽奏知道了已有旨實授卿總督矣嚴緝私販一如李

衛為之不可絲毫存姑息之念再者浙省向稱僧海為  
釋教焚修勝地務令俱各得所若以蔑僧闡釋為理學  
標準則誤矣除此二者之外朕俱信得及卿無可訓諭  
者竭力勉為之

浙江總督臣程元章謹

奏為陳奏事竊臣奉

命署理浙江總督印務於九月十五日由秀水縣平望  
地方入境一路察看田疇晚禾俱已成熟現在收

獲居民樂業惟嘉興府屬之石門桐鄉二縣湖州  
府屬之歸安烏程二縣於九月初九日夜雷雨交  
作帶有冰雹在田禾稻間有被雹打傷長二三十  
里及一二十里寬四五里及二三里不等臣即諭  
令各該府縣確勘并加意撫恤去後履任之日隨  
酌動

恩賞備公銀兩分別賑恤毋致失所查此雹係自東至  
西所傷地方原不寬廣通縣計之例不成災惟是

就各村各戶而論現已無收目前十月初一日即  
屆漕米開徵之期今被雹田稻既無收成難於完  
漕臣伏覩我

皇上宵衣旰食勤恤民隱凡所以愛養黎元者無微不  
至今石桐等四縣內被雹田畝約計應納漕米不  
過二三萬石并漕項等銀仰懇

聖恩概准緩至癸丑年秋成帶徵或分作兩年帶徵民  
力更覺寬紓其南米一項係給本省兵糧并請借

支倉穀碾放統俟帶徵還補如此則被災貧民日  
前得免追呼而惟正之供將來仍不虧缺閭閻小

民實沐

聖澤於無疆矣臣因事闢民瘼不揣冒昧恭摺

奏請伏乞

皇上訓示遵行謹

奏

該部議奏

浙江總督臣程元章謹

奏為陳奏事竊查浙江省海塘為第一要務今秋沿海各地方風潮甚大塘工尤當加意保護臣於履任之初即面詢杭嘉湖道王歛福據稱今歲入夏以來潮勢更大晝夜衝刷海寧接連仁和一帶地方俱屬險要業經署撫臣王國棟等將一切石草各塘應修應築之處分晰具疏

題報在案後於七月十六十七等日颶風陡作潮勢

雖極洶湧仰賴

皇上至誠感格

海神默祐當夜風轉潮退即獲安瀾現今已届冬令  
潮水漸平可保無虞等語臣因履任伊始政務殷  
繁現在竭力辦理稍有就緒即當親往海塘逐一  
細加確勘相度形勢飭令各委員上緊趕築防護  
務期完固以資捍禦容俟勘明之日將應否添改  
修築之處詳細另行奏

聞所有據稟海塘平穩情形合先恭摺陳

奏伏乞

皇上睿鑒謹

奏

覽奏已悉海塘一事應飭在工人員各具忠誠之心以  
對越

神明再加以勤慎從事盡力保護以期安瀾奏績浙省雖  
云政務殷繁而海塘工程最為緊要時刻不可釋懷萬

勿因惜小費致誤大事極宜留心查勘多方防護工料等項更須預為區畫庶免臨期失措敬慎為之毋忽

浙江總督臣程元章謹

奏為遵

旨督辦賑恤江省竈丁事本年九月二十五日接准部

咨欽奉

諭旨以南匯縣下沙頭二三場等處竈戶鹽丁被水署

督臣李燦鹽道江承玠彼此遲延觀望不速行賑

濟以致窮丁嗷嗷待哺流離失業著臣督率江承  
玠盡心辦理仰見我

皇上軫恤窮丁無微不至臣先於赴浙舟抵江寧時即

聞沿海竈戶鹽丁被水甚衆亟須賑恤抵任之後

隨面詢鹽驛道江承玠各該場被水竈戶作何撫

恤據稱從前止動支存公銀四百兩委員往賑八

月底復動銀四千八百兩倉米一千七百石借給

各竈戶為修葺竈舍置備粃滷之需又兩次共撥

鹽義倉米五千五百石并存公銀一千兩委員運  
往賑恤俱經詳明有案等語當查各卷與該道所  
稟相符第後發銀米為時已覺遲緩且曾否俱已  
運到各委員辦理有無未協之處諭令該道飛檄  
飭查去後今欽奉

恩旨除一面轉行該道欽遵一面委令原任金華府知  
府吳炯星往下沙頭二三場等處將

上諭遍示宣布

皇恩督同各委員逐一確查加意賑恤咸令得所毋任  
胥役從中侵冒倘前發銀米尚有不敷立即詳報  
酌量再撥務期妥協辦理俾被水竈丁均沾實惠  
以仰體我

皇上格外加恩之至意所有遵

旨督率辦理緣由理合恭摺奏

聞伏乞

睿鑒謹

奏

好盡力為之務令窮丁均沾實惠日前所降諭旨非欲徒博優恤虛譽也不可錯會朕意稍涉疎慢致成有名無實之舉

浙江總督臣程元章謹

奏為欽奉

訓諭據實覆奏事本年十月內臣齋招家人到浙隨恭

設香案望

闕叩頭敬謹開讀內恭謝

天恩一摺奉有

硃批臣跪讀之下仰見

聖訓周詳無微不照伏思浙省鹽政自前督臣李衛兼

辦以來固已漸次清釐其辦理妥協者臣皆照依

而行不敢故為矯異其鹽務項下有可節省之處

臣斷不敢濫用糜費至於私梟私販礙課病商臣

素所深惡前任安徽巡撫時凡私鹽案件俱由臣

衙門理結臣必按律究擬從不稍為寬貸今臣兼辦鹽政則緝私究販乃係專責更何敢少存姑息杜法縱姦以負

皇上委任之至意所有私煎偷售等弊臣俱嚴加飭禁好私販之禁理應從嚴實力為之并咨會江南督撫臣一體禁緝以杜販私之漸又浙江古刹叢林最多而杭郡尤甚誠如

聖諭可稱僧海臣本庸愚屢蒙

皇上訓誨心體力行時時奮勉政事之外不敢標立理

學之虛名前蒙

天恩委用閩省學政浙江藩司安徽巡撫各任內從未  
朕因未悉汝之居心聊為訓示耳每見迂濶儒生往往  
蹈此偏淺之見今覽所奏深為嘉是但近來釋教乏人  
郭寺廟每節皆資給香火即今杭郡叢林有清淨  
庸愚者居多可使由之不可使知之設使若輩得知出  
焚修僧人臣必待以禮貌并禁止兵民不許騷擾  
於朕意稍涉恣肆非所以愛之乃所以害之矣況朕意  
踐踏臣思儒釋雖分兩途而指歸各有至理斷不  
原不過免致作踐騷擾而已未令汝崇以禮貌資給香  
敢以闡佛為理學致令衆僧失所自蹈偏執之咎  
火也誌之  
也所有奉到


聖訓敬謹遵行今先據實覆

奏伏乞

皇上睿鑒謹



硃批諭旨卷二百十一上



總校官庶吉士臣侍朝

校對官編修臣馬啟泰

謄錄監生臣夏清和